

# BULETIN ICAN

UiTM NEGERI SEMBILAN  
NOVEMBER 2022



eISSN 2811-3802



9 772 811 380 008

**BULETIN ICAN UiTM NEGERI SEMBILAN**  
**BULETIN RASMI, BAHAGIAN PENYELIDIKAN, JARINGAN**  
**INDUSTRI, MASYARAKAT DAN ALUMNI (PJIM&A), UiTM**  
**CAWANGAN NEGERI SEMBILAN (UiTMCNS)**  
**EDISI NOVEMBER 2022**

**Diterbitkan oleh:**

Universiti Teknologi MARA (UiTM) Cawangan Negeri Sembilan  
Pekan Parit Tinggi, 72000  
Kuala Pilah, Negeri Sembilan  
Tel : 606-4832100  
Faks : 606-4832449

Tiada mana-mana bahagian dari majalah ini yang boleh diubah, disalin, diedar, dihantar semula, disiarkan, dipamerkan, diterbitkan, dilesenkan, dipindah, dijual dalam apa bentuk sekalipun tanpa mendapat kebenaran secara bertulis.

**PENAFIAN:** Sebarang maklumat yang terkandung dalam majalah ini merupakan pengetahuan dan pendapat peribadi penulis artikel. Pembaca dinasihatkan untuk mendapatkan pandangan profesional sebelum mengikuti mana-mana maklumat dalam majalah ini. Pihak universiti, penerbit dan sidang redaksi tidak akan bertanggungjawab dan menanggung sebarang risiko atas kerugian secara langsung atau tidak langsung atas maklumat yang dipaparkan.

@2022 Hakcipta PJIM&A UiTMCNS  
@2022 Reka Bentuk PJIM&A UiTMCNS  
Hakcipta Terpelihara

BAHAGIAN PENYELIDIKAN, JARINGAN INDUSTRI, MASYARAKAT DAN ALUMNI (PJIM&A), UiTM CAWANGAN NEGERI SEMBILAN (UiTMCNS)

**eISSN** : 2811-3802  
Perpustakaan Negara Malaysia  
Majalah ini diterbitkan sekali setahun  
@2022 Hakcipta Terpelihara

# **SIDANG REDAKSI**

**PENAUNG  
PROF. DR YAMIN YASIN**

**PENASIHAT  
DR. SITI SARA IBRAHIM**

**KETUA EDITOR  
ASMAHANIM HAJI MOHAMAD YUSUF**

**KETUA JAWATANKUASA EDITOR  
NIK MAHFUZAH NIK MAT**

**JAWATANKUASA EDITOR  
DR. ZHRIL SHAHIDA AHMAD  
AHMAD HUSAINI MOHAMED  
DR. ASIAH ABDULLAH  
AMIRAH HJ. ABU HASSAN**

**KETUA GRAFIK & SUSUN ATUR  
FATIN ALIYAH HASSAN**

**JAWATANKUASA GRAFIK & SUSUN ATUR  
MOHD FAISAL MD. NOOR  
NADYA HAJAR  
SITI NUR FADZILAH ABDULLAH**

# PRAKATA REKTOR UiTM CAWANGAN NEGERI SEMBILAN

Assalamualaikum warahmatullahi wabarakatuh & Salam Sejahtera

Setinggi-tinggi kesyukuran dilafazkan kepada Tuhan Pencipta Alam kerana dengan izin-Nya Unit ICAN, PJIM&A UiTM Cawangan Negeri Sembilan (UiTMCNS) akhirnya dapat menghasilkan sebuah dokumen berinformasi dalam bentuk buletin.

Tahniah dan Syabas saya ucapkan kepada sidang redaksi yang terlibat dalam menerbitkan BULETIN ICAN ini secara berkala. Penerbitan Buletin ini dapat memberi publisiti terhadap semua aktiviti yang melibatkan warga UiTMCNS. Pada masa yang sama dapat menyerlahkan lagi idea, pencapaian, kreativiti, dedikasi dan kerjasama yang sangat baik bersama industri, komuniti dan alumni.

Diharapkan Buletin ini, dapat menjadi platform untuk berkongsi ilmu, pengalaman dan kepakaran kepada warga UiTMCNS dan komuniti luar. Semoga usaha murni ini juga, menjadi salah satu wadah bernilai dan meningkatkan imej UiTMCNS dalam memberi manfaat kepada semua pembaca.

Sekian, Terima Kasih.

**PROF. DR YAMIN YASIN**  
REKTOR  
UiTM CAWANGAN NEGERI SEMBILAN



# KATA ALU-ALUAN TIMBALAN REKTOR

PENYELIDIKAN, JARINGAN INDUSTRI, MASYARAKAT & ALUMNI (PJIM&A)

Assalamualaikum w.b.t

ALHAMDULILLAH, syukur ke hadrat Ilahi kerana dengan limpah kurnia dan izin-Nya, Buletin ICAN UiTM Negeri Sembilan edisi ke-2 berjaya diterbitkan. Sekalung tahniah diucapkan kepada sidang redaksi di bawah Unit ICAN UiTM Cawangan Negeri Sembilan diatas komitmen dalam penerbitan tahun 2022 ini. Seperti semua maklum, ICAN UiTM Cawangan Negeri Sembilan telah banyak membantu Universiti dalam memenuhi sasaran KPI kampus melalui aktiviti-aktiviti yang dijalankan samada secara fizikal mahupun "online" bersama pihak industri, masyarakat dan alumni. Ianya juga menyokong kepada objektif ICAN sendiri dalam membina hubungan yang baik bersama pihak berkepentingan untuk manfaat seluruh warga Universiti mahupun masyarakat setempat.

Oleh yang demikian, penerbitan Buletin ICAN UiTM Negeri Sembilan dilihat sebagai usaha yang baik dalam strategi visibiliti kampus, mahupun Universiti kearah GRU 2025 melalui hebahan aktiviti-aktiviti bersama warga, masyarakat, industri dan alumni sepanjang tahun 2022 ini. Karya yang dicoretkan didalam buletin ini juga mampu memberikan nilai tambah kepada pembaca-pembacanya melalui garapan daripada warga pendidik, pelajar dan juga alumni UiTM Cawangan Negeri Sembilan sendiri. Semoga dengan penerbitan buletin ini juga dapat menyumbang kepada idea-idea dan juga semangat dalam menyemarakkan lagi aktiviti-aktiviti warga UiTM Cawangan Negeri Sembilan bersama-sama pihak industri, masyarakat dan juga alumni.

Sekali lagi Tahniah dan Syabas saya ucapkan kepada Koordinator Unit ICAN UiTM Cawangan Negeri Sembilan, Puan Asmahanim Haji Mohamad Yusuf serta ahli jawatankuasa dan sidang redaksi Buletin ICAN UiTM Negeri Sembilan atas kejayaan menerbitkan buletin ICAN bagi tahun 2022. Semoga usaha murni ini dapat memberikan manfaat kepada semua pembaca.

Sekian, Terima Kasih.

**DR. SITI SARA IBRAHIM**  
TIMBALAN REKTOR  
PENYELIDIKAN, JARINGAN INDUSTRI,  
MASYARAKAT & ALUMNI (PJIM&A)



# DARI MEJA KETUA EDITOR

Assalamualaikum w.b.t ,

Alhamdulillah dengan izin-Nya, dapat sekali lagi kita saksikan sebuah penerbitan yang menjadi kebanggaan warga Unit ICAN UiTMCNS iaitu Buletin ICAN UiTMCNS. Sekalung penghargaan, penghormatan dan tahniah diberikan kepada Team Sidang Redaksi 2022 atas berkat usaha dan perkhidmatan yang tidak mengenal erti jemu dan penat dalam menyiapkan wadah yang cukup bermakna bagi seluruh warga UiTMCNS. Terima kasih yang tidak terhingga juga diucapkan kepada penulis-penulis yang bertungkus lumus menyiapkan penulisan yang berkualiti untuk diterbitkan di dalam Buletin ICAN UiTMCNS tahun 2022 ini. Setinggi penghargaan juga diucapkan kepada Dr. Siti Sara Ibrahim, Timbalan Rektor, Penyelidikan, Jaringan Industri, Masyarakat & Alumni (PJIM&A) UiTM Cawangan Negeri Sembilan atas sokongan dan bantuan yang telah diberikan.

Buletin ICAN UiTMCNS ini turut menjadi medium bagi warga UiTMCNS berkongsi segala pelaporan aktiviti jaringan industri, masyarakat dan alumni bagi tahun 2022 untuk dijadikan kenang-kenangan. Penghasilan Buletin ICAN UiTMCNS 2022 ini bukan sahaja merekod pelaporan aktiviti sepanjang 2022 bahkan merakamkan kecemerlangan UiTMCNS dalam pelbagai sudut.

Sebagai ketua editor Buletin ICAN UiTMCNS, saya mewakili Team Sidang Redaksi 2022 ingin memohon maaf jika terdapat kelemahan dan kekurangan dalam penghasilan Buletin ini. Sesungguhnya, kami telah memerah kudrat agar Buletin ICAN UiTMCNS 2022 akan tetap tersemat di hati warga UiTMCNS. Semoga dengan penghasilan majalah ini, semua kenangan dan memori sepanjang pelaksanaan aktiviti jaringan industri, masyarakat dan alumni bersama UiTMCNS dapat di potretkan untuk tatapan masa yang akan datang.

Sekian, terima kasih.

“ICAN: MEMANGKIN USAHA SAMA INDUSTRI, ALUMNI & KOMUNITI”

KETUA PENGARANG  
**ASMAHANIM BINTI HAJI MOHAMAD YUSUF**



# ISI KANDUNGAN

<b>Pengenalan Unit ICAN UiTMCNS</b>	<b>i</b>
<b>LAWATAN KE JABATAN KEBAJIKAN MASYARAKAT NEGERI SEMBILAN</b> SUHAILA SHARIL & ROHAIDA AWANG NIK	<b>1-2</b>
<b>MAHASISWA UITM NEGERI SEMBILAN SUMBANG TENAGA BANTU MANGSA BANJIR</b> MOHD ZULHILMI BIN MOHD YUNUS	<b>3</b>
<b>PROGRAM KASIH RAMADHAN FSKM 2022</b> JAMILAH OTHMAN, ROSNANI ABDULLAH, NURALINA AZLAN	<b>4-5</b>
<b>LAWATAN KHIDMAT MASYARAKAT DAN PERUNDINGAN KE MADRASAH AZ ZAKIRIN, CHENCKAU, REMBAU, NEGERI SEMBILAN</b> AHMAD AZMAN BIN MOHAMAD RAMLI, NOOR FARALIZA BINTI SAMSUDIN, NORHIDAYU BINTI MD YATIM, SITI KHAIRIYAH BINTI NOORDIN	<b>6-7</b>
<b>CSR RAMADHAN PPKAS PRIHATIN – MASYARAKAT DISANTUNI</b> MAZNI MUSA, AHMAD HUSAINI MOHAMED, SHEIKH AHMAD IZADDIN SHEIKH MOHD. GHAZALI, JAMIL MOHAMED SAPARI, NUR RAHIMAH SAID	<b>8-9</b>
<b>JABATAN FIZIK &amp; SAINS BAHAN SANTUNI KOMUNITI KAMPUNG SERI PILAH</b> SITI NAFISAH MD RASHID DAN ALLINA NADZRI	<b>10-11</b>
<b>PROGRAM PERKAMPUNGAN ILMU SMK SENAWANG</b> RODHIAH BINTI AMZAH, NIK MAHFUZAH BINTI NIK MAT, SITI NUR AISYAH BINTI JUHARI & NUR FARAHIN NADIA BINTI ASNOR	<b>12-14</b>
<b>ART &amp; CRAFT FOR KIDS BERSAMA MURID SEKOLAH KEBANGSAAN PILIN</b> SUTINA JUNOS & AHMAD SOUFIEAN OTHMAN	<b>15-16</b>
<b>'COLLEGE SWEET COLLEGE' PERTANDINGAN KEBERSIHAN DAN KECERIAAN KOLEJ UITM KAMPUS REMBAU</b> SUTINA JUNOS, AHMAD SOUFIEAN OTHMAN, MASITAH AHMAD, NOOR AZILLAH MOHAMAD ALI & SITI' AISHATUL-HUMAIRAH MUHAMMAD FISOL	<b>17</b>
<b>PROGRAM WE CARE WE SHARE</b> ALIA NADIRA ROSLE	<b>18-19</b>
<b>PROGRAM KHIDMAT MASYARAKAT – TAUTAN KASIH UITM DAN KOMUNITI</b> AHMAD HUSAINI MOHAMED, MAZNI MUSA, SITI SYAIDA SIRAT, JAMIL MOHAMED SAPARI	<b>20-21</b>
<b>LARIAN MAYA 5KM BERSEMPENA SAMBUTAN JUBLI EMAS MASSCOMM UITM</b> FARAH HAZWEEN AMANAH, NURLIYANA KAMILAH KHAIRUL ANUAR, MUHAMMAD AZRIL IZUAN RAMLAN	<b>22</b>
<b>TEKNIK BACAAN PANTAS DAN PERKONGSIAN ALUMNI</b> FADDLIZA MOHD ZAKI, JASHIRA JAMIN, NURHIDAYAH NASHARUDIN, AHMAD AZMAN MOHAMAD RAMLI, SERI INTAN IDAYU SHAHRUL ASARI	<b>23-24</b>

# ISI KANDUNGAN

<b>A NATIONAL E-SPORT DAY OF UITM 2022</b> NUR LINA ABDULLAH, ZATI AQOMAR ZAHARUDIN, NOR AISHAH MD NOH, ABDULLAH YAHYA DAN SITI AISHAH MOHD SHAFIE	<b>25-27</b>
<b>ALUMNI HOMECOMING HI-TEA 2022</b> ASMAHANIM BINTI HAJI MOHAMAD YUSUF, SITI NUR FADZILAH ABDULLAH & NOR ASHIKIN SAHROM	<b>28-29</b>
<b>ALUMNI TALK SHOW: KERJAYA &amp; KENANGAN</b> NUR LINA ABDULLAH, ASMAHANIM HAJI MOHAMAD YUSUF, ASIAH ABDULLAH DAN NURUL AINI ABDUL WAHAB	<b>30-32</b>
<b>WEBINAR 'HERO TO CEO'</b> FADDLIZA MOHD ZAKI, ASMAHANIM HAJI MOHAMAD YUSUF, DR RAJA MAYANG DELIMA MOHD BETA, AMIRAH HAJI ABU HASSAN, MOHD FAISAL MD. NOOR	<b>33-34</b>
<b>WEBINAR TAKLIMAT MY STARFISH FOUNDATION</b> ZHRIL SHAHIDA AHMAD & AMIRAH HAJI ABU HASSAN	<b>35-36</b>
<b>KERJASAMA AKADEMIK DAN INDUSTRI PERUSAHAAN MI KUNING</b> NURUUL HIDAYAH MANSOR, NURUL AZLIN TOKIMAN, NADYA HAJAR, BOON YIH TIEN DAN NAEMAA MOHAMAD	<b>37</b>
<b>SEMINAR ERMS DGFLO</b> MOHD FAIZAL BIN MOHD RAMSI & SITI KHAIRIYAH NORDIN	<b>38-39</b>
<b>JARINGAN ANTARABANGSA SECARA MAYA UITM CAWANGAN NEGERI SEMBILAN DAN UNIVERSITAS AIRLANGGA KE ARAH MELAHIRKAN GRADUAN YANG DINAMIK</b> ASIAH ABDULLAH, NOR AKMALAZURA JANI, WAN ELINA FARADILLA WAN KHALID, MAZNI MUSA	<b>40-41</b>
<b>SEMINAR PENGURUSAN KEWANGAN YANG EFEKTIF</b> NOOR AZILLAH MOHAMAD ALI, SYAZLIANA KASIM, SUTINA JUNOS	<b>42-44</b>
<b>INFOGRAFIK SEMUA AKTIVITI-AKTIVITI YANG DIJALANKAN OLEH KELAB COMPUTING SOCIETY 21/22 (COMSOC)</b> ROSNANI BINTI ABDULLAH, ABDUL QADIR BIN ABDUL ARIFF, NUR AMIRA AQASYAH BINTI ROSMIZAN DAN NUR HAZIRAH BINTI MOHD ESA	<b>45-46</b>
<b>PROGRAM "YOUR CAREER PATH BEGINS HERE!" MEMACU KEBOLEHPASARAN GRADUAN</b> SITI AISHAH MOHD SHAFIE, NOOREZATTY MOHD YUSOP, NURALINA AZLAN, NOR AKMAL MD NOH	<b>47-48</b>
<b>MAKLUMAN AWAL VSSPT 3.0 SESI 2022/2023</b> DR WAN ZUMUSNI HJ WAN MUSTAPHA, DR TINY AZLEEN YAHAYA DAN DATIN DR ROMAIZAH ABDUL KADIR	<b>49-51</b>
<b>PROGRAM "PREPARING YOUR BATTLE: GUIDE ON INTERVIEW" MELAHIRKAN GRADUAN PILIHAN MAJIKAN</b> JAIDA NAJIHAH JAMIDIN, NOOR AISYAH IDRIS, SITI SARAH JANURI, ZAITUL ANNA MELISA MD YASIN, SITI AISHAH MOHD SHAFIE	<b>52-54</b>




# PENGENALAN UNIT ICAN UiTMCNS

ICAN (Industry, Community, Alumni Network) merupakan salah sebuah unit yang beroperasi di bawah Bahagian Penyelidikan, Masyarakat, Jaringan Industri & Alumni UiTM Cawangan Negeri Sembilan (UiTMCNS). Unit ini diketuai oleh seorang koordinator yang dibantu oleh tiga (3) orang penyelaras bagi menjalankan fungsi-fungsi unit ICAN di kampus Kuala Pilah, kampus Seremban dan kampus Rembau.

Unit ICAN bertanggung jawab menghubungkan jaringan, usahasama serta perkongsian antara pihak UiTMCNS bersama pihak berkepentingan luar yang melibatkan Industri, Komuniti dan Alumni. Bagi melancarkan gerak kerja tersebut, empat (4) bahagian utama telah diwujudkan di dalam unit ini iaitu Community Network Centre (CNC) Industry Network Centre (INC), Alumni Network Centre (ANC) dan Graduate Employability (GE).

## CARTA ORGANISASI ICAN UiTMCNS 2022



# LAWATAN KE JABATAN KEBAJIKAN MASYARAKAT NEGERI SEMBILAN

SUHAILA SHARIL & ROHAIDA AWANG NIK

Satu perbincangan selama 1 jam telah diadakan di Jabatan Kebajikan Masyarakat Rembau Negeri Sembilan yang dihadiri oleh Jawatankuasa tertinggi IKRAM Rembau iaitu Ustazah Rohaida Binti Awang Nik (Ketua Wanita IKRAM Rembau), Puan Hajah Jawiyah Binti Darmawan (Jawatankuasa Kebajikan IKRAM Rembau) dan Suhaila Sharil pada 26 Jun 2022. Perbincangan ini dipengerusikan oleh Puan Tajul Arus Binti Ramli (Pegawai Akhlak) JKM bersama Puan Siti Aisyah Binti Ibrahim (Pegawai Pelindung) JKM.



Beliau menyatakan bahawa JKM mempunyai 2 pasukan iaitu Pasukan Perlindungan yang sasarannya adalah kanak-kanak yang berpotensi menjadi mangsa orang disekeliling dengan menawarkan perlindungan pemuliharaan dan pasukan kebajikan yang sasarannya juga adalah kanak-kanak yang terlibat dengan jenayah di mana salah satu puncanya adalah faktor persekitaran.

Jabatan Kebajikan Masyarakat juga mempunyai Pusat Perlindungan yang berfungsi sebagai tempat memberi ceramah motivasi kepada ibu bapa, membuat aktiviti kepada kanak-kanak. Sehingga hari ini, JKM mempunyai 20 orang yang berdaftar sebagai sukarelawan dan menggunakan pusat aktiviti yang terletak di Chembong. Keahlian mereka adalah percuma. Difahamkan Pusat Aktiviti JKM juga telah berpindah bermula 1 Julai di Taman Pinggiran Pedas dan JKM akan melantik seorang Penyelia untuk bertugas di Pusat Aktiviti Kanak-kanak tersebut. Justeru penglibatan ibu bapa sangatlah diperlukan dalam Pusat aktiviti tersebut ini kerana tugas menjaga kanak-kanak telah diambil alih oleh Jabatan Kebajikan Masyarakat namun ibu bapa kepada kanak-kanak tersebut juga perlu diberi perhatian agar tidak lupa akan tanggungjawab mereka sebagai keluarga.

Pada Tahun 2008-2009 Pusat Aktiviti Kanak-Kanak Rembau pernah mendapat anugerah Pusat Aktiviti Kanak-Kanak Teraktif. Justeru, JKM memerlukan sokongan daripada semua pihak untuk menjayakan Pusat Aktiviti tersebut sama ada daripada golongan individu, keluarga, badan kerajaan mahupun badan bukan kerajaan (NGO). Pusat Aktiviti yang terletak di Taman Pinggiran Pedas ini akan dibuka pada jam 2 Petang hingga 6 Petang hari bekerja dan salah satu daripada hari minggu sama ada hari Sabtu atau Ahad. Antara sasarannya juga kepada ibu bapa yang perlu disantuni untuk melibatkan mereka dengan aktiviti-aktiviti contohnya membuat kek, jahitan, bertukang dan sebagainya. Puan Tajul Arus juga memaklumkan bahawa JKM pernah membuat program di Hotel dengan menjemput keluarga-keluarga terpilih sebagai sasaran terutamanya daripada golongan B40 dengan membawa ahli keluarga mereka untuk mendengar ceramah berkaitan topik Jenayah dan program tersebut mendapat sambutan sehingga keluarga tersebut memohon supaya JKM membuat program tersebut pada masa akan datang.

Oleh yang demikian JKM sangat memerlukan sokongan daripada NGO untuk memperkasakan lagi peranan JKM dan menggembeng tenaga untuk membantu masyarakat. Justeru, IKRAM Rembau akan bekerjasama dengan JKM Rembau untuk program-program kebajikan masyarakat setempat dan membantu menyediakan prasarana di Pusat Aktiviti. Semoga usaha ini mendapat perhatian daripada semua pihak dalam membantu menjayakan dan melestarikan masyarakat ke arah masyarakat yang kreatif, inovatif dan bertanggungjawab.

